

ENỌ MBON EPHEBUS EDISANA SPIRIT

Utom Mme Apostle 19:1-20

ỌYỌHỌ UKPEP-ŃKPỌ 338

Eke Mkparawa

IKỌ IBUOT: “Ọfọfọn ọnọ mbon eke Jehovah edide Abasi mmọ” (Psalm 144:15).

Paul Etiñ Abaña Edisana Spirit

Apostle Paul ama aka ke Ephesus ke isañ esie ndika ke Jerusalem ke ini okotode ke Corinth ke ọyọhọ isañ ukwọrọ-ikọ Abasi esie iba. Enye ama ọkwọrọ ikọ ke ekpri ini ọnọ mme Jew ke mme Ebiet-ukpono mmọ, mmọ ema enyuñ ebọ ukwọrọ-ikọ esie enyuñ eyom enye odu ye mmọ ke anyan ini. Ke utọ ini oro enye ikekemeke ndidu ye mmọ, edi idaha emi ke ọyọhọ isañ ukwọrọ ikọ Abasi esie ita enye ama edi ke Ephesus ndidu ke ekpri ini.

Paul ama okut ke Ephesus ndusuk mme mbet emi ekedide ata mme andinim ke akpanikọ emi ekenyuñ esañade ke kpukpru mme ukpep-ńkpọ emi mmọ ekebode, ndien enye obup mme mmọ ema ebọ Edisana Spirit. Mmọ ikọfiokke se enye eketiñde abaña. Mmọ ebọrọ ete, “Baba! Akanam nnyin ikopke ite Edisana Spirit odu.”

Ikpat Kiet Ke Ini Kiet

Ke ini owo ọbode erinyaña obufa, enye okop inemesit emi etiede nte ikpoyomke mme mfọn Abasi efen kaña. Edi ke akade iso udọn eyedemere ke esit esie emi oyomde se ikponde ikan. Nte enye ọbọnde akam onyuñ ayakde idem esie ọnọ Abasi, onyuñ onimde edinam-asana ke akpanikọ, enye ọtọnọ ntak okop inemesit oto obufa mfọn emi otode Abasi. Ntem ke enye okop edisana inem! Nso utọ emem odu ke esit esie! Nso utọ ima ke Abasi ọnọ enye! Oto ke mfọn emi enọ enye odudu emi okponde akan ndisọnọ mmum mbuotidem emi Abasi ọnọde enye ńkama, ndinyuñ ńkan idiokńkpọ. Ewubede oruñ idiokńkpọ efep.

Ńkpọ osuk ọsọsuhọ ọnọ owo eke oyomde se ifọnde ikan emi otode Abasi. Jesus ama ọdọhọ mbet Esie mbemiso Enye ọnyọn ete, yak mmọ ebet ke Jerusalem tutu ebọ eñwọnọ Ete, emi ekedide uduok-mmọn Edisana Spirit. Jesus ama ọbọn akam abaña Edinam Asana mmọ, ama onyuñ enwek Edisana Spirit oduok mmọ (John 20:22), edi mmọ ekesuk enyene ndina uduok-mmọn Edisana Spirit. Se ikponde ikan okosuk anana ebet mmọ. “Eyenim mbufo baptism ke Edisana Spirit ke usen ifañ mibehe kaña (Utom Mme Apostle 1:5).

Odudu Ndinam Utom

Akwa utom ama odu onọ mme anditiene Jesus ndinam ke ndisuan etop Eti-mbuk. Mmọ ema eyeyom uñwam emi otode Heaven. Jesus ọkọdọhọ ete: “Mbufo eyebo odudu, ke Edisana Spirit ama edi edidoro mbufo ke idem: mbufo eyenyuñ edi mme ntiense Mi ke Jerusalem, ye ke ofuri Judea ye Samaria, tutu osim utit ererimbot” (Utom Mme Apostle 1:8). Edi odudu oro ke owo kiet ekededi emi oyomde ndinam utom nọ Ọbọn ana nte enyene.

Owo inyañake nnyin man itetie idia uwem ke emem, ifure ye inem. Mme edidiọn Abasi edi utibe, Enye onyuñ oyom nnyin ikop inemesit; edi iduhe owo emi okopde inemesit nte owo emi anamde ńkpọ ọnọ mbon efen. Abasi ọdiọn nnyin man nnyin idi edidiọn inọ mmọ efen. Eñwọnọ Esie ndidu ye nnyin enyene mmọ emi edisañade utom inọ Enye. “Mbufo eka ekenam kpukpru mme idut edi mbet Mi... ndien sese, Ami ndodu ye mbufo kpukpru ini, tutu osim utit ererimbot” (Matthew 28:19, 20).

Edi utọ uduok-mmọn emi ke Paul eketiñ ọnọ mbon Ephesus. Nte mmọ ema ebọ enọ emi ọyọhọde ye ubọn eke edinode mmọ odudu ndidi ntiense ke ofuri ererimbot? Nte mmọ ema enyene iberedem emi Jesus ọkọnwoñode ke uwem mmọ? Nso idi ntak, mmọ ikọfiokke ke mme imọ imekeme ndibọ utọ akwa edidiọn oro ito Abasi!

Uduok-Mmọn

Paul ama obup mbume efen. Edieke mmọ mikokopke nkọọ ibańa Edisana Spirit, nso oruk usọọ ke mmọ ekesinam ke ini enade uduọk- mmọń? Ewuhọ Jesus ke abańa uduọk-mmọń ekedi ke ana nte enim owo baptism esin ke enyiń Ete ye Eyen ye Edisana Spirit” (Matthew 28:19). Edieke ekenimde mmọ uduọk-mmọń ke utọ usuń oro, mmọ ekpenyene esisit ifiọk ete ke Edisana Spirit odu.

Mbon Ephesus ebọọ ete ke ikena uduọk-mmọń nte John eketemede. Nnyin itimke inyene ifiọk ibańa uduọk-mmọń eke John; edi imotim ifiọk ite ke ofuri utom esie ekedi ndibeńe mme owo idem mbańa edidi Jesus. Etop esie ekedi: “Mbufo ekabare esit; koro ubọń Heaven ke ekpere.” Ediwak owo ema ewọọ eka ndikop ukwọọ ikọ John, edi ndusuk ekekere ete enye edi Messiah. Edi John ọbọọ ete: “Ami nda mmọń nnim mbufo baptism man ekabare esit: Edi Enye emi etienede mi ke edem enyene odudu akan mi, emi mmendotke ndikama ikpa ukot Esie: Enye eyenim mbufo baptism ke Edisana Spirit ye ikań” (Matthew 3:11). Ke ntre, uduọk-mmọń John ikekemke. Ke ini Jesus ama okokure utom edifak owo ke isọń onyuń afiak ọnyọń ke Heaven, obufa emana ama ọwọọ odu. Ke ini uduọk-mmọń Edisana Spirit ama ekedidoro owo 120 oro ke ubet enyọń, usen duop ke Jesus ama ọkọdọk ke Heaven, emana Edisana Spirit ama ọtọń.

Enyene Mmọ Emi Edude Nsan-Nsan.

Mme owo emi ekebọde uduọk-mmọń Edisana Spirit ke usen oro ikedighe nkukure mmọ emi ekenyenede ndibọ enye. Nnyin ima ikpep ibańa Mmọ-oko (Gentile) emi Edisana Spirit okodorode ke mme isua emi etienede Pentecost (Ọyọhọ Ukpep-Nkọọ 290, 304). Edidi Paul ke otu mbon Ephesus ekedi ke isua 23 ke Pentecost ama ekebe; ndien nkọọ nte owo duopeba ema ebọ Edisana Spirit nko. Apostle Peter ama ọdọhọ ete: “Uńwọńọ oro enyene mbufo ye nditọ mbufo ye kpukpru mmọ emi edude nsan-nsan adańa owo nte Jehovah Abasi nnyin edikotde etiene Enye” (Utom Mme Apostle 2:39). Nnyin imetiene ibuana ye mmọ oro “edude nsan-nsan” nnyin nko imetiene ibọ Edisana Spirit adańa nte inamde se Abasi oyomde oto nnyin.

Ke ini owo duopeba emi ekebọde Edisana Spirit, mmọ ema esem ke mbufa usem. Usem eke akananam mmọ mifiọkke, ukem nte owo 120 oro ke usen Pentecost ekenamde. Oro osuk edi idińọ emi Abasi ọńde owo kiet ekededi emi ọbọde uduọk-mmọń Edisana Spirit.

Paul ikekereke ite imokure utom imọ koro owo duopeba ebọde uduọk-mmọń Edisana Spirit. Enye osuk akaiso oduk ke Ebiet-ukpono mme Jew ndikwọọ mbańa Jesus man oto do mmọ efen ekeme ndinim ke akpanikọ enyuń ebọ enọ Abasi. Edi, nte esiwakde ndidi ke ebiet ekededi eke ekwọde Eti-mbuk, ndusuk ikonimke ke akpanikọ, ndien mmọ ema etọń mfina. Paul ama ọfiọk ete idinamke ọfọn baba kiet ke ndifańa ye mme owo emi miyomke ndinim ke akpanikọ; ndien enye ama ada mbet esie kpa mmọ ekenimde ukpep-nkọọ Jesus ke akpanikọ, onyuń aka iso ke mme mboho esie ke ufọk-ńwed ke ebiet eke mmọ midikpańke utọń inọ mfańa mmọ emi minimke ke akpanikọ. Ke isua iba enye odu ye mbufa ukpọń oro, tutu kpukpru owo ke obio oro ye mme nkan-nkuk esie, mme Jew ye Mmọ-oko (Gentile) ekop ebańa Ọbọń Jesus.

Erikọk Emi Otode Abasi

Ke ini Paul ọkọkwọde Jesus, enye ikọkwọke ibańa erinyańa, edinam-asana ye uduọk-mmọń Edisana Spirit ikpọń, edi ama ọkwọọ nko abańa erikọk emi otode Abasi. Ke ebede ndikwọkwọ Paul ama onim ke akpanikọ ete ke Abasi eyebọọ akam imọ ke ini ibọńde akam inọ mme owo. Abasi ama anam mme ikpọ utibe-nkọọ sia Paul okonimde ke akpanikọ.

Edinam edinọ ukwọhọre-inua emi eyetde aran emi mme ọkwọkọkọ ema ekenyuń ebọń akam erikọk udọńọ esin ke esit ọkọtọńọ ke utọ ini oro. Paul ama esinọ ukwọhọre-inua ye mbọbọ esọk mbon udọńọ ye mmọ emi edidehe spirit ọtuhọrede emi edude ke nnyan usuń ebiet. Abasi ama esikọk mmọ. Abasi ke okokop onyuń ọbọọ akam mbuotidem mfin ke abańa erikọk udọńọ, nko ediwak owo ekop odudu erikọk ke ini edade ukwọhọre-inua emi ema ekeyet aran enyuń ebọń akam ebańa edori mmọ ke idem.

Mme Edidehe Spirit Enim Ke Akpanikọ

Ama odu ndusuk mme Jew ke Ephesus emi ekedomode ndibin mme ndiọi Spirit oto ke ubre-idiń

mmọ. Emi eketie ukem ukem nte ukpono-ndem eyo mfin. Ke mmọ ema ekekop nte Paul ebinde mme ndiọi spirit oto ke enyiñ Jesus, mmọ enyuñ edomo ndinam ntre ñko. Edi owo ikanyañake mmọ oto ke Iyip Jesus, ndien mmọ ikenyeneke unen ndinam mme utibe-ñkpọ ke enyiñ Jesus. Ndidehe spirit efiọk Jesus. James ini kiet ko ama ọdọhọ ete: “Afo omonim ke akpanikọ ete Abasi kiet ke odudu: Ọfọn mme demon ñko enim ke akpanikọ enyuñ enyek” (James 2:19). Ediwak owo inyekke idem ibaña Abasi nte mme demon enamde.

Edidehe spirit ke idem owo oro ndiọi mme Jew emi ekeedomode ndikọk ama ọdọhọ ete, “Mmọdiọñọ Jesus, mmonyuñ mbure Paul; edi mbufo edi mme anie.?” Owo emi idiọk spirit odude enye ke idem ọfrọ ọkọtọ mmọ, tutu mmọ eda unan enyuñ efeñe iferi ewọñọ ke ufọk.

Ke ini mme owo ekopde se ikotibede mmọ ekop ndik, ndien mmọ etim eyom ndifiọk ñkpọ mbaña Jesus. Ediwak mmọ ema ebọ erinyaña, enyuñ etañ mme ñwed idiọñ mmọ edifọp ke iso kpukpru owo. Ekeded akpan ñkpọ mmọ ndiduọñọ mme ñwed ibọk mmọ ye mme ñkpọ eken eke edade ekpono ndem. Mmọ ekere ete ke mmimọ inyene ndiwa kpukpru uwa ke edu ukpono mmọ man ebin mme idiọk spirit efep, ukem nte mme okpono-ndem enamde mfin. Edi Eti-mbuk Jesus Christ enyene odudu akan Satan. Ini kiet ekeded eke mme okpono-ndem eyomde Jesus ye ekpri mbuotidem enyuñ eyakde Enye anyaña ukpọñ mmọ, odudu idiọk eyebiara. Ndidehe Spirit idikarake mmọ aba, ndien mme owo oro eyenyene idaresit. Ukpono-ndem inọhọ owo inemesit, edi Eti-mbuk Jesus Christ ọnọ.

Eti Mbuk

Ikọ oro, Gospel ọwọrọ “Eti mbuk.” Ke ini Angel ọkọnọde etop emana Jesus, enye ọkọdọhọ ete, “Ekufehe ndik; koro sese mmada eti mbuk akwa idaresit eke edinyenede kpukpru owo nsọk mbufo” (Luke 2:10). Ñko ke ini Joel, anditiñ ntiñ-nnim ikọ eketiñde abaña emana Edisana Spirit, enye ọdọhọ ete” “O isọñ, kufehe mbufo edara enyuñ ebre” (Joel 2:21). Ke ini Jesus ọnọde mme anditiene Enye mme item, Enye ete, “Edieke mbufo efiọkde mme ñkpọ emi, ọfọfọn ọnọ mbufo ke mbufo enamde mmọ” (John 13:17).

“Ntem ke ikọ Ọbọñ ọkọri ọkposọñ onyuñ akara” ke idak ukwọrọ-ikọ Paul. Ebiet kiet ekeded eke emenerede ikọ Abasi ke enyọñ, Abasi eyenyaña mme ukpọñ do. Ikọ etiñ abaña Jesus, ndien Enye ọdọhọ ete, “Ndien Ami, ke ema emen mi ekpọñ isọñ nyedudi kpukpru owo etiene Mi” (John 12:32).

MME MBUME

1. Mmọñ ke Paul akaka ke ini ọtọñọde isañ ukwọrọ-ikọ Abasi esie ọyọhọ ita?
2. Enye eketie do ebigi adaña didie?
3. Nso mbume ke enye okobup mbon Ephesus?
4. Nso ke edinam-asana anam ọnọ owo?
5. Nso ke nnyin ibọ inyene ke ima ikọbọ uduọk-mmọñ Edisana Spirit?
6. Nso ke Jesus ọkọñwọñọ ọnọ mme owo emi edikade ke ofuri ererimbot ndikwọrọ Eti-mbuk?
7. Peter ọkọdọhọ ete ke edidọñ Edisana Spirit inọ mme anie?
8. Ikafañ ke Ñwed Abasi ewet ete ke ema efiak enọ uduọk-mmọñ Edisana Spirit ke Pentecost ama ekebe?
9. Nso ikotibe ke isañ utom Paul ke Ephesus ke abaña erikọk emi otode Abasi ye edibin mme ndidehe spirit nduọk?
10. Nso ke ndidehe spirit eketiñ ye ndiọi mme Jew oro?